

摛藻堂四庫全書薈要

集部

欽定四庫全書叢要卷一萬七千九百八十八

集
告

御定全唐詩卷五百八十三

補遺

溫庭筠

春日雨

細一
雨作

細雨濛濛入絳紗湖亭

澧一作

寒食孟珠

妹一
作

家南朝漫

自稱流品宮體何曾為杏花

細雨

憑軒望秋雨涼入暑衣清極目鳥頻沒片時雲復輕沾

萍開更歛山葉動還鳴楚客秋江上蕭蕭故國情

秋雨

雲滿鳥行滅池涼龍氣腥斜飄看暮簾踈灑望山亭細
響鳴林葉圓文破沼萍秋陰杳無際平野但冥冥

春初對暮雨

浙瀝生叢篠空濛泣網軒暝姿看遠樹春意入塵

一作陳

根點細飄風急聲輕入夜繁雀喧爭槿樹人靜出蔬園
瓦濕光先起房深影易昏不應江上草相與滯王孫

雪二首

硯水池先凍窗風酒易消雅聲出山郭人跡過村橋
稍急方繚轉才深未寂寥細光穿暗隙輕白駐寒條草靜
封還折松欹墮復搖謝莊今病眼無意坐通宵

羸驂出更慵林寺已疎鐘踏緊寒聲澀飛交細點重圍
斜入過跡階靜鳥行蹤寂寞梁鴻病誰人代夜春

送人遊淮海

一作宿友入池

背牆燈色暗宿客夢初成半夜竹窗雨滿池荷葉聲簾

涼秋閣思木落故山情明發又愁起桂花溪水清

原隰荑綠柳

迥野韶光早晴川柳滿一作映堤拂塵生嫩綠披雪見柔

荑碧玉牙猶短黃金縷未齊腰肢弄寒吹眉意入春閨

預恐狂夫折迎牽逸客迷新鶯將出谷應借一枝棲

宿秦生

一作僧山齋

衡巫路不同結室在東峯歲晚得支遁夜寒逢戴顥龕

燈落葉寺山雪隔林鐘行解一作戒行無由發曹溪欲

施春

贈楚雲上人

松根滿苔石盡日閉禪關有伴年年月無家處處山煙
波五湖遠瓶屢一身閒岳寺蕙蘭晚幾時幽鳥還

宿白蓋峯寺寄僧

山房霜氣晴一作清一宿遂平生閣上見林影月中間澗

聲佛燈銷永夜僧磬徹寒更不學何居士焚香為宦情

送僧東遊

師歸舊山去此別已悽然燈影秋江寺蓬聲夜雨船鷗
飛吳市外麟臥晉陵前若到東林社誰人更問禪

盤石寺留別成公

槲葉蕭蕭帶葦風寺前歸客

一作路

別支公三秋岸雪花

初白一夜林霜葉盡紅山疊楚天雲壓塞浪搖吳苑水
連空悠然旅榜頻迴首無復松窗半偈同

題中南佛塔寺

鳴泉隔翠微千里到柴扉地勝人無慾林昏虎有威澗

苔侵客屢山雪入禪衣桂樹芳陰在還期歲晏歸

馬嵬佛寺

荒雞夜唱戰塵深五鼓雕輿過上林才信傾城是真語
直教塗地始甘心兩重秦苑成千里一炷胡香抵一作直
萬金曼倩死來無絕藝後人誰肯惜青禽一作琴

清涼寺

黃花紅樹謝芳蹊宮殿參差黛巘西詩閣曉窗藏雪嶺
畫堂秋水接藍溪松飄晚吹一作翠 摳金鐸竹蔭寒苔上

石梯妙跡竒名竟何在下方煙暝草萋萋

贈盧長史

移病欲成隱扁舟歸舊居地深新

一作心

事少官散故交

踈道直更無侶家貧惟有書東門煙水夢非獨為鱸魚

秋日旅舍寄義山李侍御

一水悠悠隔渭城渭城風物近柴荆寒蛩乍響催機杼

旅雁初來憶弟兄自為林泉牽曉

一作好

夢不關砧杵報

秋聲子虛何處堪消渴試向文園問長卿

晚坐寄友人

九枝燈在瑣窗空希逸無聊恨不同曉夢未離金夾膝
早寒先到石屏風遺簪可惜三秋白蠟燭猶殘一寸紅
應卷鯨簾看皓齒鏡中惆悵見梧桐

送渤海王子歸本國

疆理雖重海車書本一家盛勲歸舊國佳句在中華定
界分秋漲開帆到曙霞九門風月好回首是天涯

送北陽袁明府

楚鄉千里路君去及良晨葦浦迎船火茶山候吏塵桑
濃蠶臥晚麥秀雉聲春莫作東籬興青雲有故人

送李生歸舊居

一從征戰後故社幾人歸薄宦離山久高談與世稀夕
陽當板檻春日入柴扉莫却嚴灘意西溪有釣磯

早春澗水送友人

青門煙野外渡澗送行人鴨臥溪沙暖鳩鳴社樹春殘
一作淺波青有石幽草綠無塵楊柳東風裏相看淚滿巾

送襄州李中丞赴從事

漢庭文采有相如天子通宵愛子虛把釣者慕高興盡
焚香起草宦情踈楚山重疊當歸路溪月分明到直廬
江雨瀟瀟帆一片此行誰道為一作憶鱸魚

江上別友人

秋色滿葭菼離人西復東幾年方暫見一笑又難同地
熟蕭陵歇江聲禹廟空如何暮灘上千里逐征一作離鴻

與友人別

半醉別都門含悽上古原晚風揚葉社寒食杏花村薄暮牽離緒傷春憶晤言年芳本無限何況有蘭孫一作蓀

鴻臚寺有開元中錫宴堂樓臺池沼雅為勝絕

荒涼遺址僅有存者偶成四十韻

明皇昔御極神聖垂耿光沈機發雷電逸躅陵堯湯西
覃積石山北至窮髮鄉四凶有獮一作鷙一臂無螳螂

嬪娟得神艷郁烈聞國香紫縵鳴羯鼓玉管吹霓裳祿
山未封侯林甫才為郎昭融廓日月安妥一作貼安紀綱

羣生到壽域百辟趨明堂四海正夷宴一塵不飛揚天

子自猶

一作遊一作悅

豫侍臣宜樂康軋然闔閨開赤日生扶

桑玉砌露

一作路

盤紆金壺

一作臺

漏丁當劒佩相擊觸左

右隨趨蹻玄珠十二旒紅粉三千行顧盼

一作盼

生羽翼

叱一作出

嗟迴雪霜神霞凌雲閣春水驪山陽盤鬪九子

糴

一作粽

甌擎五雲漿雙瓊京兆博

一作卜

七鼓邯鄲娼

魏碧雞鬪龍葱翠雉場仗官繡蔽膝寶馬金鏤

一作鏤

錫

椒塗隔鸚鵡

一作鳩

柘彈驚鶯鶯猗歟華國臣鬟髮俱蒼

蒼錫宴得幽

一作佳

致車從真煥煌畫鷁照魚鼈鳴駒亂

鶩鷀颭灔蕩碧波炫煌迷

一作逮

橫塘繁盈舞迴雪宛轉

歌遶

一作遶歌

梁艷帶畫銀絡寶梳金鉢筐沈冥類漢相醉

倒疑楚狂

一旦紫微東胡星森耀芒憑陵逐鯨鯢唐突

驅犬羊縱火三月赤戰塵千里黃殼函與府寺從此俱

荒涼茲地乃蔓草故基摧

一作唯

壞牆枯池接斷岸唧唧

啼寒螻敗荷塌作泥死竹森如槍遊人問老吏相對聊

感傷豈必不

一作見

麋鹿然後堪迴腸幸今遇太平令節

稱羽觴誰知曲江曲一作鴈歲歲棲鸞鳳

訪知玄上人遇暴經因有贈

縹帙無塵滿畫廊鍾終一作山弟子靜焚香惠能未肯傳

心法張湛徒勞與眼方風颶檀煙銷篆印日移松影過
禪牀客兒自有翻經處江上秋來蕙草荒

寄崔先生

往年江海別元卿家近山陽古郡城蓮浦

一作沿

香中離

席散柳堤風裏釣船橫星霜荏苒無音信煙水微茫變

姓名就黍正肥魚正美五侯門下負平生

敬答李先生

七里灘聲舜廟前杏花初盛草芊芊綠昏晴氣春風岸
紅漾輕綸一作輪野水天不為傷離成極望更因行樂惜
流年一瓢無事麌裘暖手弄溪波坐釣船

宿澧曲僧

一作精舍

東郊和氣新芳靄遠如塵客舍一作路停疲馬僧牆畫故
人沃田桑景葉一作晚平野菜花春更想嚴家瀨微風蕩

白蘋

宿一公精舍

夜闌黃葉寺瓶錫兩俱能松下石橋路雨

一作中山

一作中山

佛殿燈茶爐天姥客幕席剗溪僧還笑長門賦高秋臥

茂陵

月中宿雲居寺上方

虛閣披衣坐寒階踏葉行衆星中夜少圓月上方明靄盡無林色喧餘有潤聲祇應愁恨事還逐曉光生

登盧氏臺

勝地當通邑前山有故居臺高秋盡出林斷野無餘白
露鳴蛩急晴天一作時度雁蹤由來放懷地非獨在吾廬

牡丹二首

輕陰隔翠幃宿雨泣晴暉醉後佳期在歌餘舊意非蝶
繁經一作輕粉住蜂重抱香歸莫惜薰爐夜因風到舞衣
水漾晴紅壓疊波曉來金粉覆庭莎裁成豔思偏應巧
分得春光最數多欲綻似含雙靨笑正繁疑有一聲歌

華堂客散簾垂地想凭闌干飲翠蛾

反生桃花發因題

疾眼逢春一作相逢四壁空夜來山雪破東風未知王母千

年熟且共劉郎一笑同已落又開橫晚翠似無如有帶
朝紅僧處蠟炬高三尺莫惜連宵照露叢

杏花

紅花初綻雪花繁重疊高低滿小園正見盛時猶悵望
豈堪開處已繽翻情為世累詩千首醉是吾鄉酒一樽

杳杳艷歌春日午出牆何處隔朱門

和太常杜少卿東都脩竹里有嘉蓮

春秋罷注直銅龍舊宅嘉蓮照水紅兩處龜巢清露裏
一時魚躍翠莖東同心表瑞荀池上半面分妝樂鏡中
應為臨川多麗句故持重艷向西風

題磁嶺海棠花

幽態竟誰賞歲華空與期島迴香盡處泉照艷濃時蜀

彩淡搖曳一作吳妝低怨思王孫又誰恨惆悵下山遲

拽

苦棟花

院裏鶯歌歇牆頭蝶舞孤天香薰羽葆宮紫暈流蘇曉
曖迷青瑣氤氳向畫圖只應春惜別留與博山爐

自有扈至京師已後朱櫻之期

露圓霞赤數千枝銀籠誰家寄所思秦苑飛禽譜熟早
杜陵遊客恨來遲空看翠幄成陰日不見紅珠滿樹時
盡日徘徊濃影一作蔭下祇應重作釣魚期

答段柯古見嘲

彩翰一作輪殊翁金繚繞一千二百逃飛鳥尾薪一作新橋

下未為癡暮雨朝雲世間少

蓮花

綠塘搖灔接星津軋軋蘭橈入白蘋應為洛神波上競
至今蓮葉有香塵

過吳景帝陵

王氣銷來水淼茫豈能才與命相妨虛開直瀆三千里
青蓋何曾到洛陽

龍尾驛婦人圖

慢笑開元有倖臣直教天子到蒙塵今來看畫猶如此
何況親逢絕世人

薛氏池垂釣

池塘經雨更蒼蒼萬點荷珠曉氣涼朱瑀空偷御溝水
錦鱗紅尾屬嚴光

簡同志

開濟由來變盛衰五車纔得號鑑基留侯功業何容易

一卷兵書作帝師

瑟瑟釵

翠染冰輕透露光墮雲孫壽有餘香只因七夕回天浪
添作湘妃淚兩行

元日

神耀破氛昏新陽入晏溫緒風調玉吹端日應銅渾威
鳳蹻瑤簾升龍護璧門雨暘春令煦裘冕辟容尊

二月十五日櫻桃盛開自所居躡履吟玩競名

王澤章洋才

曉覺籠煙重春深染雪輕靜應留得蝶繁欲不勝鶯影
亂晨飈急香多夜雨晴似將千萬恨西北為卿卿

寒食節日寄楚望二首

芳蘭無意綠弱柳何窮縷心斷入淮山夢長穿楚雨繁
花如二八好月當三五愁碧竟平臯韶紅換幽圃流鶯
隱員樹乳燕喧餘哺曠望戀曾臺離憂集環堵當年不
自遣晚得終何補鄭谷有樵蘇歸來要腰斧

家之兩千萬時當一百五颶颶楊柳風穰穰櫻桃雨年
芳苦況潦心事如摧檣金犧近蘭汀銅龍接花塢青蕙
建楊宅隱鱗端門鼓絲素拂庭柯輕毬落鄰圃三春謝
游衍一笑牽規矩獨有恩澤侯歸來看楚舞

清明日

青娥畫扇中春樹鬱金紅出犯繁花露歸穿弱柳風馬
驕偏避幘雞駭乍開籠柘彈何人發黃鸝隔故宮

禁火日

第七句
缺一字

駘蕩清明日儲胥小苑東舞衫萱草綠春鬢杏花紅馬
轡輕銜雪車衣弱向風愁聞百舌殘睡正朦朧

嘲三月十八日雪

三月雪連夜未應傷物華只緣春欲盡留著伴梨花

楊柳八首

一作楊柳
柳枝

宜春苑外最長條閒裏春風伴舞腰正是玉人腸斷處
一渠春水赤闌橋

南內牆東御路旁預知春色柳絲黃杏花未肯無情思

何是一作事情人最斷腸

蘇小門前柳萬條
繙繙金線拂平橋
黃鶯不語東風起
深閉朱門伴細腰

金縷繚繚碧瓦溝
六宮眉黛惹春愁
晚一作來更帶龍

池雨半拂闌干半入樓

館娃宮外鄴城西
遠映征帆近拂堤
繫得王孫歸意切
不關春草綠萋萋

兩兩黃鸝色似金
裏枝啼露動芳音
春來幸自一作有長

如線可惜牽纏蕩子心

御柳如絲映九重鳳皇窗柱繡芙蓉景陽樓畔千條露

一面新妝待曉鐘

織錦機邊鶯語頻停梭垂淚憶征人塞

一作門二月猶寒

蕭索縱有垂楊未覺春

客愁

客愁看柳色日日逐春深蕩漾春風裏誰知歷亂心

和周繇

一作和周繇廣陽公宴嘲段成式詩題廣陽公宴成式速罷馳騁坐觀花艷或

有眼飽之嘲詩及
段答詩並六韻

齊馬馳千駟盧姬逞十三玳筵方喜

一作盼

睞金勒自趨

趨墮珥情初洽鳴鞭戰未酣神交花冉冉眉語柳毵毵
却略青鸞鏡翹翻翠鳳篠專城有佳對寧肯顧春蠶

光風亭夜宴妓有醉駁者

吳國初成陣王家欲解圍拂巾雙雉叫飄瓦兩鴛飛

南歌子詞二首

一作添聲
楊柳枝辭

一尺深紅勝一作蒙麴塵天生舊物不如新合歡桃核終

堪恨裏許元來別有人

井底點燈深燭伊共郎長行莫圍慕玲瓏骰子安紅豆
入骨相思知不知

題李衛公詩二首

萬棘深春衛國門九年於此盜乾坤兩行密疏傾天下
一夜陰謀達至尊肉視具僚忘匕箸氣吞同列削寒溫
當時誰是承恩者肯有餘波達鬼邨

勢欲凌雲威觸天權傾諸夏力排山三年驥尾有人附

一日龍嶺無路攀。畫閣不開梁燕去。朱門罷掃乳稚還。
千巖萬壑應惆悵。流水斜傾出武關。

題谷隱蘭若

風帶巢熊拗樹聲。老僧相引入雲行。半坡新路畲纔了。
一谷寒煙燒不成。

觀棋

一作段式詩

閒對楸枰傾一壺。黃華坪上幾成盧。他時謁帝銅龍水。
便賭宣城太守無。

句

春水碧于天畫船聽雨眠

見優古堂詩話

綠樹遶村含細雨

寒潮背郭捲平沙

送人見詩玉屑

御定全唐詩卷五百八十三

欽定四庫全書
會要卷一萬七千九百八十九

集部

御定全唐詩卷五百八十四

段成式

段成式字柯古河南人世客荊州宰相文昌之子也以
蔭為校書郎研精苦學祕閣書籍披閱皆遍歷尚書郎
太常少卿連典九江縉雲廬陵三郡坐累退居襄陽集

七卷今編詩一卷

觀山燈獻徐尚書

并序

尚書東苑公鎮襄之三年四維具舉而仍歲穀熟
及上元日百姓請事山燈以報穰祈祉也時從事
及上客從公登城南樓觀之初燭空城若朝
炬忽驚狂燒卷風撲緣一峯如塵烘旆色如波殘
鯨鬢如霞駿如珊瑚露如丹蛇蛟離如朱草聚
如芝之曲如蓮之擎布字而疾抵電書寫塔而爭
同蜃構亦天下一絕也成式辭多嗤累學未該悉
策山燈事唯記陳後主宴光壁殿遙詠山燈詩云

雜桂還如月依柳更疑星輒成三首以紀壯觀

風杪影凌亂露輕光陸離如霞散仙掌似燒上峨嵋道
樹千花發扶桑九日移因山成衆像不復藉蟠螭

湧出多寶塔往來飛錫僧分明三五月傳照百千燈馴
狹移高柱一作炷慶雲遮半層夜深寒焰白猶自綴金繩

磊落風初定輕明雲乍妨疎中搖月彩繁處雜星芒火

樹枝柯密燭龍鱗甲張窮愁讀書者應得假餘光

和徐商賀盧員外賜緋

一作和徐相公賀襄陽徐副使加章服

雲雨軒懸鶯語新一篇佳句占陽春銀黃年少偏欺酒
金紫風流不讓人連璧座中斜日滿貫珠歌裏落花頻
莫辭倒載吟歸去者欲東山又吐茵

河出榮光

符命自陶唐吾君應會昌千年清德水九折滿榮光極
岸浮佳氣微波照夕陽澄輝明貝闕散彩入龍堂近帶
闕雲紫遙連日道黃馮夷矜海若漢武貴宣房漸沒孤
槎影仍呈一葦航撫躬悲未濟作頌喜時康

哭李羣玉

曾説黃陵事今為白日催老無兒女累誰哭到泉臺

寄溫飛卿牋紙

予在九江造雲藍紙既乏左伯之法全無張永之功輒送五十

板

三十六鱗充使時數番猶得裏相思待將袍襖重抄了

盡寫襄陽播搭

一作
掘拓詞

題石泉蘭若

壘竹為籬松作門石楠陰底藉芳蓀方袍近日少平叔

注得逍遙無處論

怯酒贈周繇

一作答周為
憲看牡丹

大白東西飛正狂
新篤石凍雜梅香
詩中反語常回避
尤怯花前喚索郎

牛尊師宅看牡丹

洞裏仙春日更長
翠叢風翦紫霞芳
若為蕭史通家客
情願扛壺入醉鄉

觀暮

一作溫
庭筠詩

間對奕楸傾一壺黃羊枰上幾成都他時謁帝銅池曉

一作便賄宣城太守無

晚

題僧壁

一本下有和韋蟾三字

有僧支頰撲眉毫起就夕陽磨剃刀到此既知閒最
一作處樂俗心何啻九牛毛

哭房處士

獨上黃壇幾度盟印開龍渥喜丹成豈同叔夜終無分
空向人間著養生

呈輪上人

虎到前頭心不驚殘陽擇蟲嬾逢迎東林水石未勝此
要假遠公方有名

題谷隱蘭若三首

風惹閒雲半谷陰巖西隱者醉相尋草衰乍覺徑增險
葉盡却疑溪不深

鳥啄靈雛戀落暉村情山趣頓忘機丹成道士過門數
葉盡寒猿下嶺稀

風帶巢熊拗樹聲老僧相引入雲行半坡新路龜纏了

一谷寒煙燒不成

不赴光風亭夜飲贈周繇

屏開屈膝見吳娃蠻蠟同心四照花
婉女不愁難管領
斬新鉛裏得黃牙

嘲元中丞

一作襄陽中堂賞花為憲與妓人戲語嘲之

鶯裏花前選孟光東山逋客酒初狂素娥畢竟難防備
燒得河車莫遣嘗

寄一作周繇一作為憲求人參

少賦令才猶強作衆醫多識不能呼九莖仙草真難得

五葉靈根許惠無

朝飛卿七首

曾見當壚一箇人入時裝束好腰身少年花帶多芳思
只向詩中寫取真

醉袂幾侵魚子纈飄纓長眉鳳皇釵知君欲作閒情賦

應願將身作錦幙

翠蝶密偎金叉

一作七

首青蟲危泊玉釵梁愁生半額不

開麝只為多情團扇郎

柳煙梅雪隱青樓殘日黃鸝語未休見說自能裁袍腹
不知誰更著梢頭

愁機嬾織同心苣悶繡先描連理枝多少風流詞句裏
愁中空詠早環詩

燕支山色重能輕南陽水澤鬪分明不煩射雉先張翳

自有琴中威鳳聲

半歲愁中鏡似荷
牽環撩鬢却須磨
花前不復抱瓶渴
月底還應琢刺歌

柔卿解籍戲呈飛卿三首

長檐犧車初入門
金牙新醞盈深樽
良人為漬木瓜粉
遮却紅腮交午痕

最宜全幅碧縠綃
自襞春羅等舞腰
未有長錢求鄴錦
且令裁取一團嬌

出意挑鬟一尺長
金為鈿鳥簇釵梁
鬱金種得花茸細

添入春衫領裏香

戲高侍御七首

百媚城中一箇人紫羅垂手見精神青琴仙子長教示
自小來來號阿真

七尺髮猶三角梳玳牛獨駕長擔車曾城自有三青鳥
不要蓮東雙鯉魚

花恨紅腰一作腮柳妬眉東鄰牆短不曾窺猶憐最小分

爪日奈許迎春得鷁時

自等腰身尺六彊兩重危鬢盡釵長欲熏羅薦嫌龍腦
須為尋求石葉香

別起青樓作幾層斜陽慢卷鹿盧繩厭裁魚子深紅纈
泥覓蜻蜓淺碧綾

詐嫌爵貝磨衣鈍私帶男錢壓鬢低不獨邯鄲新嫁女
四枝鬟上插通犀

可羨羅敷自有夫愁中漫捋白鬚鬚豹錢驄子能擎舉
兼著連乾許換無

送僧二首

形神不滅論初成，愛馬乘閒入帝京。
四十二年虛過了，方知僧裏有唐生。

想到頭陀最上方，桂陰猶認惠宗房。
因行戀燒歸來晚，窗下猶殘一字香。

後

却憶書齋值晚晴，挽枝間嘯激蟬清。
影沈巴峽夜巖色，蹤絕石塘寒瀨聲。

送穆郎中赴闕

應念愁中恨索居驪歌聲裏且踟蹰若逢金馬門前客
為說虞卿久著書

題商山廟

偶出雲泉謁禮闈篇章曾沐漢皇知無謀靜國東歸去
羞過商山四老祠

折楊柳七首

枝枝交影鎖長門嫩色曾沾雨露恩鳳輦不來春欲盡

空留鶯語到黃昏

此篇一作
王貞白詩

水殿年年占早芳柔條偏惹御爐香而今萬乘多巡狩

輦路無陰綠草長

此篇一作
王貞白詩

玉樓煙薄不勝芳金屋寒輕翠帶長公子驛驅往何處
綠陰堪繫紫遊轤

嫩葉初齊不耐寒風和時拂玉闌干君王去日曾攀折

泣雨傷春翠黛殘

此篇一作
王貞白詩

微黃纔綻未成陰繡戶珠簾相映深長恨早梅無賴極

先將春色出前林

隋家堤上已成塵
漢將營邊不復春
只向江南并塞北
酒旗相伴惹行人

陌上河邊千萬枝
怕寒愁雨盡低垂
黃金穟短人多折
已恨東風不展眉

哭李羣玉

酒裏詩中三十年
縱橫唐突世喧喧
明時不作禰衡死
傲盡公卿歸九泉

漢宮詞二首

歌舞初承恩寵時六宮學妾畫蛾眉君王厭世妾頭白
聞唱歌聲却淚垂

二八能歌得進名人言選入便光榮豈知妃后多嬌妬
不許君前唱一聲

醉中吟

只愛槽牀滴滴聲長愁聲絕又醒醒人間榮辱不常定
唯有南山依舊青

桃源僧舍看花

前年帝里探春時
寺寺名花我盡知
今日長安已灰燼
忍能南國對芳枝

和周繇見嘲

并序 一作和周為
憲廣陽公宴見嘲詩

近者初開金埒大敞紅筵騎歷塊而風生鼓摻撾
而雷發成式未曾盤馬徒效執鞭喜過君子之營
徒接將軍之第欵段辭退因得坐觀是時滿目鉛
黃逆鼻蘭麝晚薪餘論恨織素而不憐斜柯新知

歎因針而難假化符端公妾換名馬賦聞長門莫
逆賞心形於善謹為憲老舅吟飄白雪思效碧雲
六韻傳觀不得落地鏗如佩玉粲若列星就眼詎
貴於千金貸心只勞於一句輒鳴瓦缶方應金鑠
拘輔宜咍足代諧笑

才甘魚目並藝怯馬蹄間王謝初飛蓋姬姜盡下山縛
雞方一作難角逐射雉豈開顏亂翠移林色狂紅照座殷
防梭齒雖在乞帽鬢慙斑儻怒相如瘦應容累騎還

和張希復詠宣律和尚袈裟

南山披時寒夜中一角不動毘嵐風何人見此生慙愧
斷續猶應護得龍

句

高談敬風鑒古貌怯冰稜

以下見海錄碎事

風暴妨歸夢蟲

喧徹曙更

夢裏思甘露言中惜惠燈

新破毘曇義

相期卜夜論

夢得句云云因續成十韻

隨樵劫猿藏隈石覲熊緣

見襄陽志隱山書事

猝胡雲彩落痕面月痕消

光風亭夜宴妓有醉歌者

擲履仙鳬起，捨衣蝴蝶飄。羞中含薄怒，顰裏帶餘嬌。

醉後猶攘臂，歸時更折腰。狂夫自纓絕，眉勢情人描。

題同上
見紀事

不願石郎戴笠難，甘玉女披衣。


苦雨

御定全唐詩卷五百八十四

謹案卷五百八十二第七頁前七行寄岳州李外

郎遠按飛卿集無岳州二字





總校官庶吉士臣張能照

校對官檢討臣蕭九成

謄錄監生臣劉天蒼

欽定四庫全書會要

集部

御定全唐詩卷五百八十七

五至
七

詳校官原任主事臣李斯咏

集部

欽定四庫全書叢要卷一萬七千九百九十一

御定全唐詩卷五百八十五

劉駕

劉駕字司南江東人登大中進士第官國子博士詩一



皎皎詞

皎皎復皎皎逢時即為好高秋亦有花不及當春草班
姬入後宮飛燕舞東風青娥中夜起長歎月明裏

長安旅舍綠情投先達

一作長安抒懷寄知己

岐路不在地馬蹄徒苦辛上國聞姓名不如山中人大
宅滿六街此身入誰門愁心日散亂有似空中塵白露
下長安百蟲鳴草根方當秋賦日却憶歸山村靜女頭
欲自良媒況我鄰無令苦長歎長歎銷人魂

送友下第遊鴈門

相別灞水渭夾水柳依依我願醉如死不見君去時所
詣星斗北直行到猶遲況復挈空囊求人悲

一作泣

路岐

北門記室賢愛我學古詩待君如待我此事固不疑鴈
門春色外四月鴈未歸主人拂金臺延客夜開扉舒君
鬱鬱懷飲彼白玉卮若不化女子功名豈無期

讀史

平地見天涯登高天更遠功名及所望岐路又滿眼萬
金買園林千金修池館他人厭遊覽身獨戀軒冕唯有
漢二疎應覺還家晚

反賈客樂

樂府有賈客
樂今反之

無言賈客樂。賈客多無墓。行舟觸風浪。盡入魚腹去。農夫更苦辛。所以羨爾身。

送李垣先輩歸嵩少舊居

第九句缺

高秋灞滻路。遊子多慘戚。君於此地行。獨以尋春色。丈
章滿人口。高第非苟得。要路在長安。歸山却為客。

狂歌罷歎息。我豈無故山。千里同外國。

苦寒吟

百泉凍皆咽。我吟寒更切。半夜倚喬松。不覺滿衣雪。竹

竿有甘苦我愛抱苦節鳥聲有悲歡我愛口流血潘生

若解吟更早生白髮

上巳日

上巳曲江濱喧於市朝路相尋不見者此地皆相遇日

光去此遠翠幕張如霧何事歡娛中易覺春城暮物情

重一作愛此節不是愛芳樹明日花更多何人肯回顧

春臺

臺上樹陰合臺前流水多青春不出門坐見野田花誰

能學公子走馬逐香車六街塵滿衣鼓絕方還家

釣臺懷古

澄流可濯纓嚴子但垂綸孤坐九層石遠笑清渭濱潛龍飛上天四海豈無雲清氣不零雨安使洗一作澆塵氛

我來吟高風鬢見斯人江月尚皎皎江石亦磷磷如何臺下路明日又迷津

勵志

一作續

白髮豈有情貴賤同日生二輪不暫駐似趁長安程前

堂吹參差不作絛山聲後園植木槿月照無餘英及時
立功德身後猶光明仲尼亦為土魯人焉敢耕

桑婦

牆下桑葉盡春蠶半未老城南路迢迢今日起更早四
鄰無去伴醉卧青樓曉妾顏不如誰所貴守婦道一春
常在樹自覺身如鳥歸來見小姑新妝弄百草

上馬歎

羸馬行遲遲頑童去我遠時時一回顧不覺白日晚路

傍豪家宅樓上紅妝滿十月庭花開花前吹玉管君當
未貴日豈不常走塞如何見布衣忽若塵入眼布衣豈
常賤世事車輪轉

唐樂府十首

并序

唐樂府自送征夫至獻賀觴歌河湟之事也下土
土貢臣駕生於唐二十八年獲見明天子以德歸
河湟地臣得與天下夫婦復為太平人獨恨愚且
賤蠕蠕泥土中不得從臣後拜舞稱于上前情有

所發莫能自抑作詩十章目曰唐樂府雖不足貢
聲宗廟形容盛德而願與耕稼陶漁者歌田野江
湖間亦足自快

送征夫

昔送征夫苦今送征夫樂寒衣縱攜去應向歸時着天
子待功成別造凌煙閣

輸者謳

輓粟上高山高山若平地力盡心不怨同我家私事去

者不遑寧歸者唱歌行相逢古城下立語天未明一身
遠出塞十口無稅征

弔西人

河湟父老地盡知歸明主將軍入空城城下弔黃土所
願邊人耕歲歲生禾黍

邊軍過

城前兵馬過城裏人高卧官家自供給畏我田產破健
兒食肥肉戰馬食新穀食飽物有餘所恨無兩腹草青

見軍過草白見軍回軍回人更多盡繫西戎來

望歸馬

東人望歸馬馬歸蓮峰下蓮峰與地平亦不更徵兵

祝河水

河水清瀰瀰照見遠樹枝征人不飲馬再拜祝馮夷從
今億萬歲不見河濁時

田西邊

刀劍作鋤犁耕田古城下高秋禾黍多無地放羊馬

崑山

昔時玉為寶崑山過不得今時玉為塵崑山入中國白
玉尚如塵誰肯愛金銀

樂邊人

在鄉身亦勞在邊腹亦飽父兄若一處任向邊頭老

獻賀觴

莫但取河湟河湟非邊疆願今日入處亦似天中央天
子壽萬歲再拜獻此觴

且可憐行

第五句
缺三字

園中花自早不信外無花良人未朝去先出登香車

五 輪滿城聞嘔啞侍兒衣各別頭上金雀多祇是
一家人路人疑千家過後香滿陌直到春日斜今朝且
可憐莫問久如何

築臺

一作漢武築通天
城詞臺役者告之

前杵與後杵築城聲一作功不住我願築更高得見秦皇

墓

鄰女

君嫌鄰女醜取婦他鄉縣料嫁與君人亦為鄰所賤昌
蒲花可貴只為人難見

山中夜坐

半夜山雨過起來滿山月落盡醉處花荒溝水決決愴
然惜春去似與故人別誰遣我多情壯年無鬢髮

秦娥

秦娥十四五面白於指爪羞人夜採桑驚起戴勝鳥

牧童

牧童見客拜山果懷中落晝日驅牛歸前溪風雨惡

古出塞

胡風不開花四氣多作雪北人尚凍死況我本南越古
來犬羊地巡狩無遺轍九土耕不盡武皇猶征伐中天
有高閣圖畫何時歇坐恐塞上山低於沙中一作土骨

寄遠

雪花豈結子徒滿連理枝嫁作一作與征人妻不得長相

隨去年君點行賤妾是新姬一作歸別早見未熟入夢無

定姿悄悄空閨中蛩聲遠羅幃得書喜猶甚况復見君

時

下第後屏居長安書懷寄太原從事

刖足豈更長良工隔千里故山彭蠡上歸夢向汾水低
摧神氣盡僮僕心亦恥未達誰不然達者心思此行年
忽已壯去老年更幾功名生不彰身歿豈為鬼纔看芳
草歇即歎涼風起疋馬未來期嘶聲尚在耳

早行

馬上續殘夢馬嘶時復驚心孤多所虞僅僕近我行樓
禽未分散落月照古城莫羨居者閒一作居者

一作邊家溪邊

人已耕

青門路

青門有歸路坦坦高槐下貧賤自心歸此地誰留我門
開送客去落日嬾回馬旅食帝城中不如遠遊者舟成
於陸地風水終相假吾道諒如斯立身無苟且

效古

融融芳景和杳杳春日斜嬌撓不自持清唱嚦雙蛾終曲翻成泣新人下香車新人且莫喜故人曾如此燕趙猶生女郎豈有終始

戰城南

城南征戰多城北無飢鴉白骨馬蹄下誰言皆有家城前水聲苦倏忽流萬古莫爭城外城一作地城裏終一作有

閒土

曲江春霽

宿雨洗秦樹舊花如新開池邊草未乾日照人馬來馬
蹄踏流水漸漸成塵埃鴛鴦不敢下飛繞岸東西此地
喧仍舊歸人亦滿街

贈先達

終南蒼翠好未必如故山心期在榮名三載居長安昔
蒙大雅匠勉我工五言業成時不重辛苦只自憐皎皎
機上絲盡作秦箏弦貧女皆罷織富人豈不寒驚風起

長波浩浩何時還待君

一作誰人

當要路一指王化源

有感

弓劍不自行難引河湟思將軍半夜飲十里聞歌吹高

門

一作行

幾世宅舞袖仍新賜誰遣一書來燈前問邊事

姑蘇臺

一作吳中懷古

勾踐飲膽日吳酒正

一作香

滿杯

一作吳王酒滿杯

笙歌入海雲

聲自姑蘇來西施舞初罷侍兒整金釵衆女不敢妒自此泉下泥越鼓聲騰騰吳天隔塵埃難將角東地更學比

會稽樓紀事
止此霸跡一朝盡草中棠梨開

豪家

九陌槐葉盡青春在豪家嬌鶯不出城長宿庭上花高
樓登夜半已見南山多恩深勢自然不是愛驕奢

山中有招

朗朗山月出塵中事由生人心雖不閒九陌夜無行學
古以求聞有如石上耕齊姜早作婦豈識閨中情何如
此幽居地僻人不爭嘉樹自昔有茅屋因我成取薪不

出門采藥於前庭春花雖無種枕席芙蓉馨君來食葵

藿天爵豈不榮

空城雀

飢啄空城土莫近太倉粟一粒未充腸却入公子腹且

吊城上骨

一作下客

幾曾害

一作室

爾族不聞莊辛語今日寒

蕪綠

馮叟居

天作馮叟居山僧尚嫌僻開門因兩樹結宇倚翠壁溪

南有微徑時遇採芝客往往白雲生對面千里隔機忘

若僮僕常與猿鳥劇曬藥上小峰庭深無日色自忘

從歸鄉里

一作自從
忘歸鄉

不見新舊

一作舊
親

戚累繫子孫墓秋

風吹古柏

醒後

醉卧芳草間酒醒日落後壺觴半傾覆容去應已久不
記折花時何得花在手

棄婦

回車在門前欲上心更悲路傍見花發似妾初嫁時養
蠶已成繭織素猶在機新人應笑此何如畫蛾眉昨日
惜紅顏今日畏老遲良媒去不遠此恨今告誰

送李殷遊邊

一作送李殷遊西京

十年夢相識一覲

一作覲

俄遠

一作見

別征駕在我傍草草

意難說君居洞庭日詩句滿魏闕如何萬里來青桂看

人折行裝不及備西去偶然訣

一作成決

孟夏出都門紅塵

客衣熱荒城見羊馬野館具薇蕨邊境漸無虞旅宿常

待月西園置酒地日夕簪裾列壯志安可留槐花樽前
發

江村

江水灌稻田饑年稻亦熟舟中愛桑麻日午因成宿相
承幾十代居止連茅屋四鄰不相離安肯去骨肉書生
說太苦客路常在目縱使富貴還交親幾墳綠

出門

出門羨他人奔走如得塗翻思他人意與我或不殊以

茲聊自安默默行九衢生計逐羸馬每出似移居客從
我鄉來但得鄰里書田園幾換主夢歸猶荷鋤進猶希
萬一退復何所如況今闢公道安得不躊躇

別道者

自君入城市北邙無新墳始信壺中藥不落白楊根如
何忽告歸葬華還笑人玉笙無遺音悵望緜嶺雲

蘭昌宮

宮蘭非瑤草安得春長在迴首春又歸翠華

一作葉

不能

待悲風生輦路山川寂已晦邊恨在行人行人無盡歲

送友人擢第東歸

同家楚天南

一作涯

相識秦雲西古來懸弧義豈顧子與

妻攜手踐名場正遇公道開君榮

一作昇

我雖默感恩同

所懷有馬不復羸有奴不復飢灞岸秋草綠

一作花落

却

是還家時青門一瓢空分手去遲遲期君轍未平我車

繼東歸

久客

久客心易足主人有餘力如何昨宵夢到曉家山色南
音入誰耳曲盡頭自白

秋夕

促織燈下吟燈光冷於水鄉魂坐中去倚壁身如死求
名為骨肉骨肉萬餘里富貴在何時離別今如此出門
長歎息月白西風起

效陶

雨曜無停馭蓬壺應有慕何況北邙山一作邙山色只近市

朝
一作井

路大慨生死網飛走無逃處白髮忽已新紅顏

豈如故我有杯中物可以消萬慮醉舞

一作袖

日婆娑誰

能記朝暮如求神仙藥階下亦種黍但使長兀然始見

天地祖

長門怨

一作張
喬詩

御泉長繞鳳皇樓只是恩波別處流閒揜舞衣歸未得
夜來砧杵六宮秋

苦寒行

嚴寒動八荒刺刺

一作
莉莉

無休時陽烏不自暖雪壓扶桑

枝歲暮寒益壯青春安得歸朔鴈到南海越禽何處飛

誰言貧士歎不為身無衣

琪樹下因吟六韻呈先達者

舉世愛嘉樹此樹何人識清秋遠山意偶向亭際得奇

柯交若鬪珍

一作
生

葉

一作
葉

世業

密如織塵中尚青葱更想塵

外色所宜巢三鳥影入瑤池碧移根豈無時一問紫煙

客

送人登第東歸

學古既到古反求鑒者難見詩未識君疑生建安前海
畔豈無家終難成故山得失雖由命世途多險艱我皇
追古風文柄付大賢此時如為君果在甲科間晚達多
早貴舉世咸為然一夕顏却少雖病心且安所居似清
明冷竈起新煙高情懶行樂花盛僕馬前歸程不淹留
指期到田園香醪四鄰熟霜橘千株繁肯憶長安夜論

詩風雪寒

賈客詞

賈客燈下起猶言發已遲高山有疾路暗行終不疑寇盜伏其路猛獸來相追金玉四散去空囊委路岐揚州有大宅白骨無地歸少婦當此日對鏡弄花枝

塞下曲

勒兵遼水邊風急卷旌旃絕塞陰無草平沙去盡天下營看斗建傳號信狼煙聖代書青史當時破虜年

春夜二首

一本無二首二字
次首題作秋懷

一別杜陵歸未期
祇憑魂夢接親知
近來欲睡兼難睡

夜夜夜深聞子規

幾

一作歲

歲干戈阻路歧
憶山心切與心違
時難何處披

衷抱日日斜空醉歸

鄆中感懷

頃年曾住此中來
今日重遊事可哀
憶得幾家歡宴處
家家家業盡成灰

曉登

一本有成
都二字

迎春閣

未櫛凭欄眺錦城煙籠萬井二江明香風滿閣花滿樹

樹樹樹梢啼曉鶯

白髭

到處逢人求至藥幾回染了又成絲素絲易染髭難染

墨翟當年合泣髭

送盧使君赴夔州

鏡管隨征旆高秋上遠巴白波連霧雨青壁斷蒹葭凭
几雙瞳靜登樓萬井斜政成知俗變當應畫輪車

望月

清秋新露與君同江上高樓倚碧空酒盡露零賓客散
更更更漏月明中

古意

浦帆出浦去但見浦邊樹不如馬行郎馬跡猶在路大
舟不相載買宅令委住莫道留金多本非愛郎富

御定全唐詩卷五百八十五

欽定四庫全書
薈要卷一萬七千九百九十一

集部

御定全唐詩卷五百八十六

劉滄

劉滄字蘊靈魯人大中八年進士第調華原尉遷龍門

令詩一卷

長洲懷古

野燒原空盡荻灰吳王此地有樓臺千年事往人何在
半夜月明潮自來白鳥影從江樹沒清猿聲入楚雲哀

停車日晚薦頻藻風靜寒塘花正開

經煥帝行宮

此地曾經翠輦過浮雲流水竟如何香銷南國美人盡
怨入東風芳草多殘柳宮前空露葉夕陽川上浩煙波
行人遙起廣陵思古渡月明聞棹歌

春日遊嘉陵江

獨泛扁舟映綠楊嘉陵江水色蒼蒼行看芳草故鄉遠
坐對落花春日長曲岸危檣移渡影暮天栖鳥入山光

今來誰識東歸意把酒閒吟思洛陽

秋日山齋書懷

啟戶清風枕簟幽蟲絲吹落挂簾鉤蟬吟高樹雨初霽
人憶故鄉山正秋浩渺蒹葭連夕照蕭疏楊柳隔沙洲
空將方寸荷知已身寄煙蘿恩未酬

晚秋洛陽客舍

清洛平分兩岸沙沙邊水色近人家隋朝古陌銅駝柳
石氏荒原金谷花庭葉霜濃悲遠客宮城日晚度寒鷗

未成歸計關河阻空望白雲鄉路賒

深秋喜友人至

不避驅羸道路長青山同喜惜年光燈前話舊揩草夜
月下醉吟谿樹霜落葉已經寒燒盡衡門猶對古城荒
此身未遂歸休計一半生涯寄岳陽

秋日望西陽

古木蒼苔墜幾層行人一望旅情增太行山下黃河水
銅雀臺西武帝陵風入蒹葭秋色動雨餘楊柳暮煙凝

野花似泣紅妝淚寒露滿枝枝不勝

鄴都懷古

昔時霸業何蕭索古木唯多鳥雀聲芳草自生宮殿處
牧童誰識帝王城殘春楊柳長川迴落日蒹葭遠水平
一望青山便惆悵西陵無主月空明

題龍門僧房

靜室遙臨伊水東寂寥誰與此身同禹門山色度寒磬
蕭寺竹聲來晚風僧宿石龕殘雪在鴈歸沙渚夕陽空

偶將心地問高士坐指浮生一夢中

秋夕山齋即事

衡門無事閉蒼苔籬下蕭疎野菊開半夜秋風江色動
滿山寒葉雨聲來鴈飛關塞霜初落書寄鄉閭人一作客未迴獨坐高窗此時節一彈瑤瑟自成哀

江行書事

遠渚蒹葭覆綠苔姑蘇南望思襄徊空江獨樹楚山背

暮雨一作孤舟吳苑來人度深秋風葉落鳥飛殘照水

煙開寒潮欲上泛萍藻寄薦三間情自哀

過鑄鼎原

黃帝修真萬國朝
鼎成龍駕上丹霄
天風乍起鶴聲遠
海霧漸深龍節遙
仙界日長清鳥度
御衣香散紫霞飄
唯留古跡寒原在
碧水蒼蒼空寂寥

秋日寓懷

海上生涯一釣舟
偶因名利事淹留
旅塗誰見客青眼
故國幾多人白頭
霽色滿川明水驛
蟬聲落日隱城樓

如何未盡此行役西入潼關雲木秋

江城晚望

一望江城思有餘遙分野逕入樵漁青山經雨菊花盡
白鳥下灘蘆葉疎靜聽潮聲寒木杪遠看風色暮帆舒
秋期又涉潼關路不得年年向此居

宿蒼谿館

孤館門開對碧岑竹窗燈下聽猿吟巴山夜雨別離夢
秦塞舊山迢遞心滿地莓苔生近水幾株楊柳自成陰

空思知已隔雲嶺鄉路獨歸春草深

題王母廟

寂寥珠翠想遺聲門掩煙微水殿清拂曙紫霞生古壁
何年絳節下層城鶴歸遼海春光晚花落閒階夕雨晴
武帝無名在仙籍玉壇星月夜空明

留別復本修古二上人

二遠相知是昔年此身長寄禮香煙綠蕪風晚水邊寺
清磬月高林下禪臺殿虛窗山翠入梧桐疎葉露光懸

西峰話別又須去終日闐山在馬前

邊思

漢將邊方背轄轄受降城北是單于黃河晚凍雪風急
野火遠燒山木枯偷號甲兵衝塞色銜枚戰馬踏寒蕪
蛾眉一沒空留怨青塚月明啼夜烏

登龍門敬善寺閣

獨步危梯入杳冥天風瀟灑拂簷楹禹門煙樹正春色
少室雲屏向晚晴花落院深清禁閉水分川閣綠蕪平

瑣窗朱檻同仙界半夜緜山有鶴聲

題王校書山齋

猿鳥無聲晝掩扉寒原隔水到人稀雲晴古月初上
雪滿空庭鶴未歸藥園一作圃地連山色近樵家路入樹

煙微栖遲慣得滄浪思雲閣還應夢釣磯

浙江晚渡懷古

蟬噪秋風滿古隄荻花寒渡思萋萋潮聲歸海鳥初下
草色連江人自迷碧落晴分平楚外青山晚出穆陵西

此來一見垂綸者郤憶舊居明月溪

及第後宴曲江

及第新春選勝遊
杏園初宴曲江頭
紫毫粉壁題仙籍
柳色簫聲拂御樓
霽景露光明
遠岸晚空山翠墜
芳洲歸時不省花
間醉倚陌香車似水流

秋日山寺懷友人

蕭寺樓臺對夕陰
淡煙疏磬散空林
風生寒渚白蘋動
霜落秋山黃葉深
雲盡獨看晴塞鴈
月明遙聽遠村砧

相思不見又經歲坐向松窗彈玉琴

八月十五日夜玩月

中秋朗月靜天河烏鵲南飛客恨多寒色滿窗明枕簟
清光凝露拂煙蘿桂枝斜漢流靈魄蘋葉微風動細波
此夜空亭聞木落蒹葭霜積鴈初過

晚春宿僧院

蕭寺春風正落花淹留數宿惠休家碧空雲盡磬聲遠
清夜月高窗影斜白日一作社閒吟為道侶青山遙指是

生涯微微一
點寒燈在鄉夢不成聞曙鶯

懷汶陽兄弟

回看雲嶺思茫茫

幾處一度

閩河隔汶陽書信經年鄉

國遠弟兄無力海田荒天高霜月砧聲苦風滿寒林木

葉黃終日路岐歸未得秋來空羨鴈成行

題天宮寺閣

丹闕侵霄壯復危排空霞影動簷扉城連伊水禹門近
煙隔上陽宮樹微天歛暮雲殘雨歇路穿春草一僧歸

此來閒望更何有無限清風生客衣

遊上方石窟寺

苔徑繁迴景漸分翛然空界靜埃氛一聲疎磬過寒水
半壁危樓隱白雲雪下石龕僧在定日西山木鳥成羣
幾來吟嘯立朱檻風起天香處處聞

懷江南友人

久絕音書隔塞塵路岐誰與子相親愁中獨坐秦城夜
別後幾經吳苑春湘岸風來吹綠綺海門潮上沒青蘋

空勞兩地望明月
多感斷蓬千里身

題敬亭山廟

森森古木列巖隈
迥壓寒原霽色開
雲雨只從山上起
風雷多向廟中來
三江入海聲長在
雙鶴啼天影未迴
花落空庭春晝晚
石牀松殿滿青苔

經麻姑山

麻姑此地鍊神丹
寂寞煙霞古竈殘
一自仙娥歸碧落
幾年春雨洗紅蘭
帆飛震澤秋江遠
雨過陵陽晚樹寒

山頂白雲千萬片時聞鸞鶴下仙壇

對殘春

楊花漠漠暗長隄春盡人愁鳥又啼鬢髮近來生處白
家園幾向夢中迷霏微遠樹荒郊外牢落空城夕照西
唯有年光堪自惜不勝煙草日萋萋

過滄浪峽

山疊雲重一徑幽蒼苔古石瀨清流出巖樹色見來靜
落澗泉聲長自秋遠入虛明思白帝寒生浩景想滄洲

如何地近東西路馬足車輪不暫留

經過建業

六代興衰曾此地西風露泣白蘋花煙波浩渺空亡國
楊柳蕭條有幾家楚塞秋光晴入樹浙江殘雨晚生霞
淒涼處處漁樵路鳥去人歸山影斜

贈道者

真趣淡然居物外忘機多是隱天台停燈深夜看仙錄
拂石高秋坐釣臺賣藥故人湘水別入簷栖鳥舊山來

無因朝市知名姓地僻衡門對嶽開

題馬太尉華山莊

別開池館背山陰近得幽奇物外心竹色拂雲連嶽寺
泉聲帶雨出谿林一庭楊柳春光暖三逕煙一作春蘿

晚翠深自是功成閒劍履西齋長卧對瑤琴

秋日夜懷

砧杵寥寥秋色長遠枝寒鵠客情傷闌山雲盡九秋月
門柳葉凋三徑霜近日每思歸少室故人遙憶隔瀟湘

如何節候變容髮明鏡一看愁異常

題巫山廟

十二嵐峰挂夕暉
廟門深閉霧煙微
天高木落楚人思
山迴月殘神女歸
觸石晴雲凝翠鬢
度江寒雨濕羅衣
嬋娟似恨襄王夢
猿叫斷岩秋蘚稀

題吳宮苑

吳苑荒涼故國名
吳山月上照江明
殘春碧樹自留影
半夜子規何處聲
蘆葉長侵洲渚暗
蘋花開盡水煙平

經過此地千年恨在再東風

一作流

露色清

旅館書懷

秋看庭樹換風煙兄弟飄零寄海邊客計倦行分陝路
家貧休種汶陽田雲低遠塞鳴寒鴈雨歇空山噪暮蟬
落葉蟲絲滿窗戶秋堂獨坐思悠然

贈天台隱者

靜者多依緩鳥叢衡門野色四郊通天開宿霧海生日
水泛落花山有風迥望一巢懸木末獨尋危石坐巖中

金華先生集卷之二

看書飲酒餘無事自樂樵漁狎

一作名

釣翁

洛陽月夜書懷

疎柳高槐古巷通
月明西照上陽宮
一聲邊鴈塞門雪
幾處遠砧河漢風
獨榻閒眠移獄影
寒窗幽思度煙空
孤吟此夕驚秋晚
落葉殘花樹色中

江行夜泊

白浪連空極渺漫
孤舟此夜泊中灘
岳陽秋霽寺鐘遠
渡口月明漁火殘
綠綺韵高湘女怨
青葭色映水禽寒

鄉遙楚國生歸思欲曙山光上木蘭

贈顓頊山人

浩氣含真玉片輝著書精義入玄微洛陽紫陌幾曾醉
少室白雲時一歸松雪月高唯鶴宿煙嵐秋露到人稀
知君濟世有長策莫問滄浪隱釣磯

長安冬夜書情

上國棲遲歲欲終此情多寄寂寥中鐘傳半夜旅人館
鷗呌一聲疎樹風古卷月高山色靜寒蕪霜落灞原空

今來唯問心期事獨望青雲路未通

經古行宮

玉輦西歸已至今古原風景自沈沈御溝流水長芳草
宮樹落花空夕陰蝴蝶翅翻殘露滴子規聲盡野煙深
路人不記當年事臺殿寂寥山影侵

秋日登醴泉縣樓

閒上高樓時一望綠蕪寒野靜中分人行直路入秦樹
鴈截斜陽背塞雲渭水自流汀島色漢陵空長石苔紋

秋風高柳出危葉獨聽蟬聲日欲曛

春日旅遊

玄髮辭家事遠遊春風歸鴈一聲愁
花開忽憶故山樹月上自登臨水樓浩浩晴原人獨去依依春草水分流
秦川楚塞煙波隔怨別路岐何日休

送友人下第歸吳

共惜年華未立名路歧終日軫羈情青春半是往來盡
白髮多因離別生楚岸帆開雲樹映吳門月上水煙清

東歸自有故山約花落石牀苔蘚平

訪友人郊居

登原過水訪相如竹塢莎庭似故居空塞山當清晝晚
古槐人繼綠陰餘休彈瑟韵傷離思已有蟬聲報夏初
醉唱勞歌翻自歎釣船漁浦夢難疎

匡城尋薛閔秀才不遇

音容一別近三年往事空思意浩然足馬東西何處客
孤城楊柳晚來蟬路長草色秋山綠川闊晴光遠水連

不見故人勞夢寐獨吟風月過南燕

與僧話舊

巾烏同時下翠微舊遊因話事多違南朝古寺幾僧在

西一作北嶺空林唯鳥歸莎徑晚煙凝竹塢石池春色染

苔衣此時相見又相別即是闐河朔鴈飛

寄遠

西園楊柳暗驚秋寶瑟朱弦結遠愁霜落鴈聲來紫塞
月明人夢在青樓蕙心迢遞湘雲暮蘭思縈迴楚水流

錦字織成添別恨
關河萬里路悠悠

長安逢友人

上國相逢塵滿襟
傾杯一詰昔年心
荒臺共望秋山立
古寺多同雪夜吟
風度重城宮漏盡
月明高柳禁煙深
終期白日青雲路
休感鬢毛霜雪侵

下第東歸途中書事

峽路誰知倦此情
往來多是半年程
孤吟洛苑逢春盡
幾向秦城見月明
高柳斷煙侵獄影
古隄斜日背灘聲

東歸海上有餘業牢落田園荒草平

經龍門廢寺

因思人事事無窮幾度經過感此中山色不移樓殿盡
石臺依舊水雲空唯餘芳草滴春露時有殘花落晚風

楊柳覆灘清瀨響暮天沙鳥自西東

下第後懷舊居

幾到青門未立名芳時多負故鄉情雨餘秦苑綠蕪合
春盡灞原白髮生每見山泉長屬意終期身事在歸耕

頻花覆水曲谿暮獨坐釣舟歌月明

經無可舊居兼傷賈鳥

塵室寒窗我獨看別來人事幾凋殘晝空蕭寺一僧去
雪滿巴山孤客寒落葉墮巢禽自出蒼苔封砌竹成竿
碧雲迢遞長江遠向夕苦吟歸思難

贈隱者

何時止此幽棲處獨掩衡門長綠苔臨水靜聞靈鶴語
隔原時有至人來五湖仙島幾年別九轉藥爐深夜開

誰識無機養真性醉眠松石枕空杯

題書齋

一日不曾離此處風吹疎牖夕雲晴氣凌霜色劍光動
吟對雪華詩韵清高木宿禽來遠嶽古原殘雨隔重城
西齋瑤瑟自為侶門掩半春苔蘚生

題秦女樓

珠翠香銷鴛瓦墮神仙曾向此中遊青樓月色桂花冷
碧落簫聲雲葉愁杳杳蓬萊人不見蒼蒼苔蘚路空留

一從鳳去千年後迢遞岐山水石秋

題桃源處士山居留寄

白雲深處葺茅廬退隱衡門與俗疎一洞曉煙留水上
滿庭春露落落花初閒看竹嶼吟新月特酌山醪讀古書
窮達盡為身外事浩然元氣樂樵漁

宿題天壇觀

沐髮清齋宿洞宮桂花松韻滿巖風紫霞曉色秋山霽
碧落寒光霜月空華表鶴聲天外迴蓬萊仙界海門通

冥心一悟虛無理寂寥立珠象罔中

洛神怨

子建東歸恨思長飄飄神女步池塘雲鬟高動水宮影
珠翠乍搖沙露光心寄碧沈空婉戀夢殘春色自悠揚
停車綺陌傍楊柳片月青樓落未央

龍門留別道友

一顧恩深荷道安獨垂雙淚下層巒飛鳴北鴈塞雲暮
搖落西風闌樹寒春谷終期吹羽翼萍身不定逐波瀾

裴徊偏起舊枝戀半夜獨吟孤燭殘

題四皓廟

石壁蒼苔翠靄濃驅車商洛想遺踪天高猿叫向山月
露下鶴聲來廟松葉墮陰巖疎薜荔池經秋雨老芙蓉
雪鬢仙侶何深隱千古寂寥雲水重

望未央宮

西上秦原見未央山嵐川色晚蒼蒼雲樓欲動入清渭
鴛瓦如飛出綠楊舞席歌塵空歲月宮花春草滿池塘

香風吹落天人語綵鳳五雲朝漢皇

秋日過昭陵

寢廟徒悲劍與冠翠華龍馭杳漫漫原分山勢入空塞
地匝松陰出晚寒上界鼎成雲縹緲西陵舞罷淚闌干
那堪獨立斜陽裏碧落秋光煙樹殘

夏日登慈恩寺

金界時來一訪僧天香飄翠瑣窗凝碧池靜照寒松影
清晝深懸古殿燈晚景風蟬催節候高空雲鳥度軒層

塵機消盡話玄理暮磬出林疎韻澄

宿題金山寺

一點青山翠色危雲岩不掩與星期海門煙樹潮歸後
江面山樓月照時獨鶴唳空秋露下高僧入定夜猿知
蕭疎水木清鐘梵額氣寒光動石池

送友人遊蜀

北去西遊春未半蜀山雲雪入詩情青蘿拂水花流影
翠靄隔岩猿有聲日出空江分遠浪鳥歸高木認孤城

心期萬里無勞倦古石蒼苔峽路清

題鄭中丞東溪

一境新開雉堞西綠苔微徑露淒淒高軒夜靜竹聲遠
曲岸春深楊柳低山霧月明常此醉草芳花暗省曾迷
即隨鳳詔歸清列幾憶風花夢小溪

代友人悼姪

羅帳香微冷錦裯歌聲永絕想梁塵蕭郎獨宿落花夜
謝女不歸明月春青鳥罷傳相寄字碧江無復採蓮人

滿庭芳草坐成恨迢遞蓬萊入夢頻

夏日登西林白上人樓

幾到西林清淨境層臺高視有無間寒光遠動天邊水
碧影出空煙外山苔點落花微萼在葉藏幽鳥碎聲閒
曠然多慊意登樓意永日重門深掩闌

江樓月夜聞笛

南浦蒹葭疎雨後寂寥橫笛怨江樓思飄明月浪花白
聲入碧雲楓葉秋河漢夜闌孤鴈度瀟湘水闊二妃愁

髮寒衣濕曲初罷露色河光生釣舟

送友人下第東歸

漠漠楊花灞岸飛
幾回傾酒話東歸
九衢春盡生鄉夢
千里塵多滿客衣
流水雨餘芳草合
空山月晚白雲微
金門自有西來約
莫待螢光照竹扉

從鄭郎中高州遊東潭

煙嵐晚入濕旌旗
高檻風清醉未歸
夾路野花迎馬首
出林山鳥向人飛
一谿寒水涵清淺
幾處晴雲度翠微

自是謝公心近得登樓望月思依依

罷華原尉上座主尚書

自憐生計事悠悠浩渺滄浪一釣舟千里夢歸清洛近三年官罷杜陵秋山連絕塞渾無色水到平沙幾處流白露黃花歲時晚不堪霜鬢鏡前愁

雨後遊南門寺

郭南山寺雨初晴上界尋僧竹裏行半壁樓臺秋月過
迴一作
一川煙水夕陽平苔封石室雲含潤露滴松枝鶴

有聲木葉蕭蕭動歸思西風畫角漢東城

題古寺

古寺蕭條偶宿期更深霜壓竹枝低長天月影高窗過
疎樹寒鷗半夜啼池水竭來龍已去老松枯處鶴猶棲
傷心可惜從前事寥落朱廊墮粉泥

晚秋野望

秋盡郊原情自哀菊花寂寞晚仍開高風疎葉帶霜落
一鴈寒聲背水來荒壘幾年經戰後故山終日望書回

歸途休問從前事獨唱勞歌醉數杯

秋月望上陽宮

苔色輕塵鎖洞房亂鷗羣鴟集殘陽青山空出禁城日
黃葉自飛宮樹霜御路幾年香輦去天津終日水聲長
此時獨立意難盡正值西風砧杵涼

入闕留別主人

此來多愧食魚心東閣將辭強一吟羸馬客程秋草合
晚蟬闋樹古槐深風生野渡河聲急鴈過寒原嶽勢侵

對酒相看自無語
幾多離思入瑤琴

留別山中友人

欲辭松月戀知音
去住多同羈鳥心
秋盡書窗驚白髮
晚衝霜葉下青岑
大河風急寒聲遠
高嶺雲開夕影深
別後寂寥無限意
野花門路草蟲吟

春晚旅次有懷

晚出關河綠野平
依依雲樹動鄉情
殘春花盡黃鶯語
遠客愁多白髮生
野水亂流臨古驛
斷煙凝處近孤城

東西未遂歸田計海上青山久廢耕

與重幽上人詰舊

雲飛天末水空流省與師同別異州庭樹蟬聲初入夏
石牀苔色幾經秋燈微靜室生鄉思月上嚴城話旅遊
自喜他年接巾舄滄浪地近虎溪頭

月夜聞鶴唳

碧落風微月正明霜毛似怨有離情莓苔石冷想孤立
楊柳葉疎聞轉清空夜露殘鷗墮羽遼天秋晚憶歸程

鳳皇樓閣知猶戀終逐煙霞上玉京

過北邙山

散漫黃埃滿北原折碑橫路碾苔痕空山夜月來松影
荒塚春風變木根漠漠兔絲羅古廟翩翩丹旐過孤村
白楊落日悲風起蕭索寒巢鳥獨奔

咸陽懷古

經過此地無窮事一望淒然感廢興渭水故都秦二世
咸原秋草漢諸陵天空絕塞聞邊鴈葉盡孤村見夜燈

風景蒼蒼多少恨寒山半出自雲層

送友人罷舉赴薊門從事

人生行止在知已遠佐諸侯重所依綠綬便當身是貴
青霄休怨志相違晚雲遼水疎殘雨寒角邊城怨落暉
此去黃金臺上客相思應羨鴈南歸

看榜日

禁漏初停蘭省開列仙名目上清來飛鳴曉日鶯聲遠
變化春風鶴影回廣陌萬人生喜色曲江千樹發寒梅

青雲已是酬恩處莫惜芳時醉酒杯

送李休秀才歸嶺中

南泛孤舟景自饒蒹葭汀浦晚蕭蕭秋風漢水旅愁起
寒木楚山歸思遙獨夜猿聲和落葉晴一作空江月色帶

回潮故園新過重陽節黃菊滿籬應未凋

寓居寄友人

雨餘虛館竹陰清獨坐書窗軫旅情芳草衡門無馬跡
古槐深巷有蟬聲夕陽雲盡嵩峰出遠岸煙消洛水平

今夜南原賞佳景月高風定苦吟生

經曲阜城

行經闕里自堪傷曾歎東流逝水長蘿蔓幾凋荒龍樹
莓苔多處古宮牆三千弟子標青史萬代先生號素王
蕭索風高洙泗上秋山明月夜蒼蒼

汶陽客舍

年光自感益蹉跎岐路東西竟若何窗外雨來山色近
海邊秋至鴈聲多思鄉每讀登樓賦對月空吟叩角歌

迢遞舊山伊水畔破齋荒徑閉煙蘿

留別崔澠秀才昆仲

汝陽離思水無窮去住情深夢寐中歲晚蟲鳴寒草露
日西蟬噪古槐風川分遠岳秋光靜雲盡遙天霽色空
對酒不能傷此別尺書憑鴈往來通

和友人憶洞庭舊居

客舍經時益苦吟洞庭猶憶在前林青山殘月有歸夢
碧落片雲生遠心谿路煙開江月出草堂門掩海濤深

因君話舊起愁思隔水數聲何處砧

晚歸山居

寥落霜空木葉稀初行郊野思依依秋深頻憶故鄉事
日暮獨尋荒徑歸山影暗隨雲水動鐘聲潛入遠煙微
娟娟唯有西林月不惜清光照竹扉

送元叙上人歸上黨

時節鎮

罷兵

太行關路戰塵收白日思鄉別沃州薄暮焚香臨野燒
清晨漱齒涉寒流谿邊殘壘空雲木山上孤城對驛樓

此去寂寥尋舊跡蒼苔滿徑竹齋秋

秋日旅途即事

驅羸多自感煙草遠郊平鄉路幾時盡旅人終日行渡
邊寒水驛山下夕陽城蕭索更何有秋風兩一作向鬚生

早行

旅途乘早景

一作起

策馬獨淒淒殘影郡樓月一聲闌樹

難聽鐘煙柳外問渡水雲西當自勉行役終期功業齊

句

海曙雲浮日江遙水合天

發浙江見詩人玉屑